



INSURANCE AGENCY OF
BOSNIA AND HERZEGOVINA

Broj: OP-02-12-01-2/20
Sarajevo, 29.01.2020

Na osnovu člana 14. stav (2), (3) i (4) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), tačke 6.7. Vodiča Agencije za osiguranje u Bosni i Hercegovini za podnosioca zahtjeva u smislu Zakona o slobodi pristupa informacijama u Bosni i Hercegovini, broj: 02.1-02.4-657-1/13 od 26.12.2013.godine i člana 8. Pravilnika o unutrašnjoj organizaciji Agencije za osiguranje u Bosni i Hercegovini broj: 01.1-02-1/06 od 12.10.2006. godine i broj 02.3-02-2-239-1/15 od 05.08.2015.godine, postupajući po zahtjevu za slobodan pristup informaciji od 08.01.2020.godine, podnosioca [redacted] iz Sarajeva, direktorica Agencije za osiguranje u Bosni i Hercegovini donosi

RJEŠENJE

1. Odobrava se djelimičan pristup informacijama podnosioca [redacted] iz Sarajeva od 08.01.2020.godine.
2. Informacije za koju je odobren pristup dostavlja se podnosiocu zahtjeva uz rješenje.
3. Rješenje stupa na snagu danom donošenja.

Obrazloženje

Agencija za osiguranje u Bosni i Hercegovini (u daljem tekstu: Agencija), primila je zahtjev za slobodan pristup informacijama podnosioca Sanjina Sinanovića iz Sarajeva, u kojem traži od ove Agencije slijedeće informacije:

1. U okviru Vaše institucije, koliko je ukupno zaposlenih (brojno stanje bez obzira na status zaposlenika neodređeno/određeno)? Da li imate oformljenu disciplinsku komisiju (prvostepena i drugostepena) koja je kao nezavisno tijelo nadležna i odgovorna za provođenje postupka utvrđivanja disciplinske odgovornosti zaposlenika? Navedeno tijelo broji ukupno koliko članova (osnovni/zamjenski), koje su obrazovne strukture (pravo/ekonomija/drugo),.
2. Koje akte u svom radu prijenjuje disciplinska komisija (Zakon/Pravilnik),.
3. Prema Pravilniku o utvrđivanju disciplinske i materijalne odgovornosti, da li je dozvoljeno i omogućeno da jedino i isključivo zaposlenik angažuje advokata u postupku utvrđivanja disciplinske odgovornosti.,
4. Da li su i u kom broju i osnovu pokrenuti i vođeni disciplinski postupci u okviru Vaše institucije protiv zaposlenika u proteklom periodu od pet godina (2014-2019) po osnovu težih i /ili lakših povreda službene dužnosti, kao i u do sada provedenim disciplinskim postupcima,
- 5.) Da li je zabilježen slučaj da je Vaša institucija angažovala advokata/e na strani same institucije kao poslodavac.

Postupajući po predmetnom zahtjevu, konstatovano je da tražene informacije ne predstavljaju izuzetak od objavljivanja kako je to propisano u članu 6., 7. i 8. navedenog

Zakona, te se može odobriti djelimičan pristup istim. Tražene informacije se prilažu uz rješenje.

Uzimajući u obzir opisano činjenično stanje odlučeno je kao u dispozitivu rješenja.

POUKA: Protiv ovog rješenja može se izjaviti žalba predsjedavajućem Žalbenog vijeća pri Vijeći ministara BiH, u roku od 15 dana od njegovog prijema. Stranka se može obratiti i Ombudsmenu za ljudska prava BiH.



Dostaviti:

- Podnosilac zahtjeva
- a/a



INSURANCE AGENCY OF
BOSNIA AND HERZEGOVINA

Broj: VF-02-12-01-3/20
Sarajevo, 31-01-2020

Sarajevo

PREDMET: Informacija u skladu sa Zakonom o slobodi pristupa informacijama u Bosni i Hercegovini, dostavlja se.-

Veza: Vaš Zahtjev za slobodan pristup informacijama i dostavljanje dokumentacije od 08.01.2020.godine

Poštovani,

Agencija za osiguranje u Bosni i Hercegovini (u daljem tekstu: Agencija) je dana 16.01.2020. godine zaprimila Vaš akt, kojim se, u skladu sa Zakonom o slobodi pristupa informacijama u Bosni i Hercegovini („Službeni glasnik BiH“ br.28/00, 45/06, 102/09, 61/11 i 100/13), traže određene informacije, na koje Vam dostavljamo odgovore, kako slijedi.

1. U okviru Vaše institucije/organizacije, koliko je ukupno zaposlenih (brojno stanje bez obzira na status zaposlenika neodređeno/određeno)? Da li imate oformljenu disciplinsku komisiju (prvostepena i drugostepena) koja je kao nezavisno tijelo nadležna i odgovorna za provođenje postupka utvrđivanja disciplinske odgovornosti zaposlenika? Navedeno tijelo broji ukupno koliko članova (osnovni/zamjenski), koje su obrazovne strukture (pravo/ekonomija/drugo)?
 - U Agenciji, na dan 31.01.2020. godine, broj zaposlenih je deset (jedan rukodeći državni službenik, osam državnih službenika i jedan zaposlenik po Ugovoru o radu). Agencija nema oformljenu disciplinsku komisiju (prvostepenu i drugostepenu) koja bi bila kao nezavisno tijelo nadležna i odgovorna za provođenje postupka utvrđivanja disciplinske odgovornosti zaposlenih.
2. Koje akte u svome radu primjenjuje?
 - Kako je već navedeno da Agencija nema oformljenu disciplinsku komisiju. U slučaju pokretanja disciplinskog postupka, primjenjivao bi se Zakon o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17), Zakon o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17), Pravilnik o disciplinskoj odgovornosti državnih službenika u institucijama Bosne i Hercegovine („Službeni glasnik BiH“, br. 20/03 i 94/10) i Pravilnik o disciplinskoj i materijalnoj odgovornosti

zaposlenika u institucijama Bosne i Hercegovine („Službeni glasnik BiH“, broj 81/07).

3. Prema Pravilniku o utvrđivanju disciplinske i materijalne odgovornosti zaposlenika, da li je dozvoljeno i omogućeno da jedino i isključivo zaposlenik angažuje advokata u postupku utvrđivanja njegove disciplinske odgovornosti?

- Prema članu 15. st. (3) i (4) Pravilnika o unutrašnjoj organizaciji Agencije za osiguranje u Bosni i Hercegovini broj 01.1-02-1/06 od 12.10.2006. godine i broj 02.3-02-2-239-1/15 od 05.08.2015.godine, državni službenici disciplinski odgovaraju u skladu sa Zakonom o državnoj službi u institucijama Bosne i Hercegovine i propisom Vijeća ministara Bosne i Hercegovine o disciplinskoj odgovornosti državnih službenika. Zaposlenici disciplinski odgovaraju u skladu sa Zakonom o radu u institucijama Bosne i Hercegovine i propisom Vijeća ministara Bosne i Hercegovine o disciplinskoj odgovornosti zaposlenika.
- Članom 22. stav (1) Pravilnika o disciplinskoj odgovornosti državnih službenika u institucijama Bosne i Hercegovine propisano je da državni službenik, odnosno zaposlenik ima pravo braniti se sam ili uz pomoć branioca koga sam odabere pri čemu snosi sve njegove troškove.
- Članom 10. stav (1) tačka g) Pravilnika o disciplinskoj i materijalnoj odgovornosti zaposlenika u institucijama Bosne i Hercegovine propisano je da zaposlenik protiv kojeg je podnesena disciplinska prijava, odnosno pokrenut disciplinski postupak, ima pravo da se brani sam ili uz pomoć branioca koga sam odabere.

4. Da li su i u kom broju i osnovu pokrenuti i vođeni disciplinski postupci u okviru Vaše institucije/organizacije protiv zaposlenika u proteklom periodu od pet godina (2014-2019) po osnovu težih i /ili lakših povreda službene dužnosti?

- U periodu od 2014. godine do 2019. godine, u Agenciji nisu pokrenuti i vođeni disciplinski postupci protiv državnih službenika ili državnih službenika.

5. U do sada provedenim disciplinskim postupcima, da li je zabilježen slučaj da je Vaša institucija/organizacija angažovala advokata/e na strani same institucije/organizacije kao poslodavac? Ukoliko je odgovor potvrđan, molim Vas da mi odgovorite kada se desio navedeni slučaj, ko je advokat/ica koji/a je bio/la angažovan/a, u kom obimu i po kom osnovu? Koliki je finansijski iznos koji je eventualno plaćen za troškove advokata? Ukoliko je odgovor negativan, dovoljno je da odgovorite kako Vaša institucija/organizacija nikada nije angažovala advokata/e u disciplinskim postupcima.

- Agencija nikada nije angažovala advokata/e u disciplinskim postupcima.

S poštovanjem,

Dostaviti:

- Podnosiocu zahtjeva
- a/a

